

Broj: 02C-7023-9/22

Datum: 19.10.2022. godine

Na osnovu odredbi člana 27. Statuta Javne ustanove Opća bolnica „Prim. dr. Abdulah Nakaš“, člana 69. stav (1) tačka b) i stav (2) tačka e) Zakona o javnim nabavkama („Službeni glasnik BiH“, broj 39/14), u postupku javne nabavke radova – Izvođenje radova na instalacijama vode i kanalizacije, direktor Javne ustanove Opća bolnica „Prim. dr. Abdulah Nakaš“, donio je

ODLUKU **o poništenju postupka javne nabavke**

Član 1.

Poništava se postupak javne nabavke radova – **Izvođenje radova na instalacijama vode i kanalizacije**, iz razloga što je cijena jedine prispjele prihvatljive ponude ponuđača znatno veća od osiguranih sredstva za predmetnu nabavku.

Član 2.

Ova odluka objavit će se na web stranici Javne ustanove Opća bolnica „Prim. dr. Abdulah Nakaš“ www.obs.ba.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: **02C-7023-1/22 od 15.08.2022. godine**, a koja je sprovedena putem **konkurentskog zahtjeva za dostavu ponuda, JN-66/22**. Procijenjena vrijednost nabavke bez uračunatog PDV-a je **40.000,00 KM**.

Obavještenje o nabavci, broj: **1125-7-3-290-3-174/22**, objavljeno je na Portalu javnih nabavki dana **05.10.2022. godine**.

Komisija za nabavku, imenovana je Rješenjem, broj: **02C-7023-2/22 od 15.08.2022. godine**, Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: **02C-7023-6/22 od 18.10.2022. godine** Preporuku o poništenju postupka nabavke, broj: **02C-7023-7/22 od 18.10.2022. godine**, Izvještaj o radu, broj: **02C-7023-8/22 od 18.10.2022. godine**, u postupku javne nabavke radova **Izvođenje radova na instalacijama vode i kanalizacije**.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena 1 ponuda,
- da je blagovremeno zaprimljena 1 ponuda,
- da nije bilo neblagovremeno zaprimljenih ponuda,

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Obzirom da je pristigla jedna kvalifikovana ponuda ponuđača FLEX INVEST d.o.o. Sarajevo, ali da je cijena iste znatno veća od osiguranih sredstava za predmetnu nabavku, poništava se predmetni postupak u skladu sa odredbama člana 69. stav (2) tačka e) Zakona o javnim nabavkama.

Iz navedenih razloga, primjenom odredbi člana 69. stav (1) tačka b) i stav (2) tačka e) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (dana) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javna ustanova Opća bolnica „Prim. dr. Abdulah Nakaš“, Kranjčevićeva broj 12, 71000 Sarajevo.**


Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



Dostaviti:

- Ponuđaču: FLEX INVEST d.o.o. Sarajevo
- Odjeljenje za računovodstvo plan i analizu
- Odsjek za javne nabavke
- Odjeljenje za tehničke poslove i investicije
- Komisija za javne nabavke